

## Tsela e isang Tumelong



### SABATHA THAPAMA

#### **Bakeng sa Thuto ea beke ena, Bala:**

Ba-Gal. 3:21–25; Lev. 18:5; Ba-Roma 3:9–19; 1 Ba-Kor. 9:20; Ba-Roma 3:1, 2; 8:1–4.

#### **Temana ea Khopolo:**

“Empa lengolo le hlahetse batho bohle sebeng, hore pallo e tle e neoe balumeli ka ho lumela Jesu Kreste” (Ba-Galata 3:22).

**M**aeba a hae khale a tsejoa ka bokhoni ba ho fofa limaele tse baloang ka makholo ka letsatsi le ho fihla moo a eang ka ho nepa ho hlolang. Empa, le maeba a hae ka linako tse ling a ee a lahlehe, a sitoe ho khutlela moo a qalileng teng. Ketsahalo e mpe ka ho fetisisa e etsahetse Engelane, moo linonyana tse ka bang likete tse mashome a mabeli (tsa boleng ba likete tse makholo a tšeletseng a lidolara) li sa kang tsa khutlela liahelong tsa tsona. Joalo ka ha boholo ba rōna ka tsela tse itseng re kile ra ba le maiphihlelo a ho lahleha, ha ho monate. Re tlaloa ke tšabo le thothomelo; re ka ba linakong tsa pherekano hape.

’Nete e tšoanang le boemong ba semoea. Le ka mora ho amohela Kreste, re ka lahleha, kapa ra tsieleha, le ho isa tabeng ea ho se hlole re khutlela ho Morena. Litaba tse monate ke hore, leha ho le joalo, Molimo ha a re tlohele re le bang. O re etselitse tsela e isang tumelong, joalo ka ha e senotsoe evangeling, ’me tsela eo e kenyeletsa molao. Batho ba bangata ba leka ho arola molao ho evangeli; ba bang ba li bona li hlabana. Ha feela hore pono ena e fosahetse, e ka ba le litla morao tse bohloko. Kantle ho molao, re ke ke ra ba le evangeli. Ho thata, ka ’nete, ho utloisisa evangeli kantle ho molao.

*\*Bala thuto ea beke ena ho lokisetsa Sabatha, Phato 12.*

## Molao le Pallo

**“Na molao o hanana le lipallo tsa Molimo na?” (Ba-Gal. 3:21).**

Ka ho belaela hore bahanyetsi ba hae ba tla etsa qeto ea hore o nyelisa molao kapa puo ea hae ka boholo ba lipallo tsa Molimo e ne e le ho khella tlase Moshe le Torah, Paulose o botsa potso eo ba neng ba e nahana: “u bolela hore molao o hanana le lipallo tsa Molimo?” ho sena Paulose o arabela ka “Che!” e matla. Qeto e joalo ha e khonehe, hobane Molimo ha a itoantše. Molimo o fane ka bobeli molao le pallo. Molao ha o khahlanong le pallo. Bobeli li na le boemo le tšebetso efanang morerong oa Molimo oa pholoho.

**Ke mehopolo efe e fosahetseng eo bahanyetsi ba Paulose ba nang le eona ka tšebetso ea molao? Bapisa Ba-Gal. 3:21, Lev. 18:5, le Deut. 6:24.**

---

---

---

Batho bana ba ne ba lumela hore molao o ne o khona ho ba fa bophelo ba semoea. Chebo ea bona mohlomong e tsoetsoe ke botoloki bo fosahetseng ba likha tse Testamente ea Khale tse kang Levitike 18:5 le Deuteronomi 6:24, moo molao o supang hore na bophelo ba lokela ho pheloa joang ho ba lutseng selakaneng sa Molimo. Molao o ne o laola bophelo ka hara selekane, empa ba etsa qeto ea hore molao e ne e le mohloli oa likamano tsa Molimo le motho. Bibe e hlakile, leha ho le joalo, hore bokhoni ba ho “phelisa” ke matla a matla Molimo le Moea oa hae feela (2 Marena 5:7, Neh. 9:6, John 5:21, Ba-Roma 4:17). Molao o ke ke oa phelisa mang kapa mang semoeeng. Sena ha se bolele hore leha ho le joalo, hore molao o khahlanong le lipallo tsa Molimo. Ha a batla ho tiisa hore molao ha o khone ho fana ka bophelo, Paulose oa ngola ho Ba-Galata 3:22, “Lengolo le hlahletse batho bohle sebeng”. Ho Ba-Roma 3:9–19, Paulose o hula hara letoto la litemana tse qotsitsoeng Testamenteng ea Khale ho bontša hore na re babe ha kae. Likha ha li ea bapisoa feela ka ho akhelo. O qala ka pelo ea bothata ba sebe—boitšoaro ba boikhabo ba pelo ea motho—e be joale o ea litemaneng tse hlalolang bobae ba sebe le ho qetella ka ho akaretsa ha sebe. Ntliha ea hae? Ka labaka la ngatafalo ea sebe le ho felloa ha molao, pallo ea bophelo bo sa feleleng e ka tla ho rōna feela ka botšepahi ba Krete bakeng sa rōna. Mona hape, ke ’nete e kholo e ileng ea susumetsa nchafatso ea Boprosetanta.

**Leha molao o ke ke oa re pholosa, ke melemo efe e mehoho eo kutlo ea rōna ho oona e nang le eona bakeng sa rōna? Ke hore, ke melemo efe e tsoarehang eo u bileng le maiphihlelo a eona bophelong ba hao ka kutlo molaong oa Molimo?**

## “Ho Bolokoa Tlasa Molao”

Ho Ba-Galata 3:23, Paulose o ngola ka hore “tumelo e e-so ho tle, re ne re hlahetsoe molaong.” Ka “re” Paulose o bolela balumeli ba Bajude likerekeng tsa Ba-Galata. Ke bona ba tsebang ka molao, 'me Paulose o ne a bua le bona ka ho khetholoha ho tloha ho Ba-Galata 2:15. Sena se ka etsahala khohlanong e lipakeng tsa “re” e ho Ba-Galata 3:23 le “le” e ho Ba-Galata 3:26. Ba-Galata 3:23 e baleha tjena, “Tumelo e e-so tle”; empa ka se-Gerike e baleha tjena, “pele tumelo” e tla. Hobane Paulose o bapisa sebaka sa molao pele le ka mora Kreste (Ba-Gal. 3:24), “tumelo” hangata ke ho supa ho Jesu ka bo eena e seng ho supa tumelo ea Bokreste ka kakaretso.

**Paulose o re Bajude ba ne ba “hlahetsoe tlasa molao” pele Kreste a tla. O bolela eng ka ho ba “tlasa molao”? Bapisa Ba-Gal. 3:22, 23 le Ba-Roma 6:14, 15; 1 Ba-Kor. 9:20; Ba-Gal. 4:4, 5, 21; 5:18.**

---



---



---

Paulose o sebelisa polelo “tlasa molao” makhethlo a leshome le metso e 'meli mangolong a hae. Ho latela boemo ba eona, e ka ba le meelelo e fapakaneng.

1. “Tlasa molao” e le mokhoa o mong oa pholoho (Ba-Gal. 4:21). Bahanyetsi ba Galatia ba ne ba leka ho fumana bophelo ka ho fana ka ho loka ho tsoang kutlong. Leha ho joalo, joalo ka ha Paulose a se a hlakisitse, sena ha se khonehe (Ba-Gal. 3:21, 22). Paulose ha morao o tla supa taba eo, ka ho lakatsa ho ba tlasa molao, ba-Galata ba ne ba latola Kreste (Ba-Gal. 5:2–4).

2. “Tlasa molao” ka tsela ea ho ba tlasa thohako ea oona (Ba-Roma. 6:14, 15). Ka ha molao o ke ke oa phekola sebe, tlolo ea seo u se hlokang e tlasa thohako. Bona ke boemo boo batho bohle ba iphumanang ba le tlasa oona. Molao o sebetsa joalo ka mosebeletsi oa teronko, o koalla bohle ba o tlotse le ho ba tlisetsa kotlo ea lefu. Joalo ka ha re tla bona boithutong ba hosasa, tšebeliso ea lentsoe lebelo (Ba-Gal. 3:23) e bontša hore sena ke seo Paulose a se bolelang ka ho ba “tlasa molao” sekheng sena.

Lentsoe le amanang la se-Gerike, ennomos, leo ka tloaelo le tolokoang e le ho ba “tlasa molao,” hantle le bolela “ho ba meeling ea molao” le bolela ho phela ka moo molao o batlang kateng ka kopano le Kreste (1 Ba-Kor. 9:21). Ka “mesebetsi ea molao,” ke hore, ka ho leka ho boloka molao ntle le Kreste, ho thata ho beoa ea lokileng, hobane ke bao feela ka tumelo ba lokileng ba tla phela (Ba-Gal. 3:11). 'Nete ena ha e felise molao; e bontša feela hore molao o ke ke oa fana ka bophelo bo sa feleng. E morao haholo eo taba.

## Molao e le “Mosireletsi” oa Rōna

Paulose o phethela ka lintlha tse peli tsa molao: (1) molao ha u felise kapa ho timetsa pallo ea Molimo e etselitsoeng Abrahama (Ba-Gal. 3:15–20); (2) molao ha o khahlanong le pallo (Ba-Gal. 3:21, 22). Ke karolo efe eo molao o e bapalang joale? Paulose o ngola hore o ile oa kenyeletsoa ka “lebaka la litlolo” (Ba-Gal. 3:19), ’me o thatoloha ka taba ena a sebelisa mantsoe kapa lipolelo tse tharo tse fapakaneng malebana le molao: lebeloa (tem. 23), hlahetsoe (tem. 23), le Molisa (tem. 24).

### **Bala ka thapelo le ka hloko Ba-Galata 3:19–24. Paulose o re eng ka molao?**

---

Boholo ba liphetolelo tsa morao li toloka puo ea Paulose ka molao ho Ba-Galata 3:19 ka mokhoa o fosahetseng. Empa motheo oa se-Gerike ha o lekeke joalo. Lentsoe la se-Gerike le tolokiloeng e le ho “lebela” (tem. 23) le bolela ho “kata.” Leha le ka sebelisoa ka tsela e fosahetseng, joalo ka ho “tšoarella” kapa ho “lalla” (2 Ba-Kor. 11:32), Testamenteng e Ncha le na le tsela e molemo haholo ea ho “sireletsa” kapa “ho boloka” (Ba-Fil. 4:7, 1 Pet. 1:5). Ho tšoana feela le lentsoe le tolokiloeng e le ho “hlahlela” (Ba-Gal. 3:23). Le ka tolokoa e le ho “koala” (Gen. 20:18), ho “thibela” (Exod. 14:3, Josh. 6:1, Jer. 13:19), ho “tšoasa” (Luka 5:6), kapa ho “khurumetsa” (Ba-Roma 11:32). Joalo ka ha mehlala ena e bontša, ho latela boemo, lentsoe lena le ka ba le moelelo o motle kapa o mobe.

### **Ke melemo efe eo molao (oa boitšoaro le oa mekete) e faneng ka eona ho bana ba Israele? Ba-Roma 3:1, 2; Deut. 7:12–24; Lev. 18:20–30.**

---

Leha Paulose a ka bua ka molao ka tsela e fosahetseng (Ba-Roma 7:6, Ba-Gal. 2:19), hape o na le tse nepahetseng tse ngata tseo a ka li buang ka oona (sheba Ba-Roma 7:12, 14; 8:3, 4; 13:8). Molao e ne e se thohako eo Molimo e beileng holima Israele; khahlanong le hoo, o ne o reretsoe ho ba tlhohonolofatso. Leha mokhoa oa teng oa mahlabelo o ne o ke ke oa tlosa sebe qetellong, o ne o supa ho messia oa pallo ea neng a tla tlosa sebe, le melao ea teng e neng e tataisa boitšoaro ba motho ho sireletsa Israele likotsing tse ngata tse neng li hlahela lichaba tsa nako eo. Ka leseli la puo e molemo ea Paulose ka molao libakeng tse ling, e ka ba phoso ho utloisisa puo ea hae mona ka tsela e fosahetseng.

**Nahana ka ntho e molemo e sebelisoang hampe. Ka mohlala, sethethefatsi se etselitsoeng ho alafa lefu se ka sebelisoa ke ba bang hampe. Ke mohlala ofe oo o u boneng bophelong ba hao oa taba ee? Ke joang tsebo ea rōna ea ntho e molemo e ka sebelisoang hampe e re thusang ho utloisisa seo Paulose a sebetsanang le sona mo?**

## Molao e le Molisa oa Rōna

**Ho Ba-Galata 3:23, Paulose o hlaosa molao e le matla a lebelang le ho sireletsa. O o tšoantša le eng temaneng ea 24, 'me seo se bolela'ng?**

---

---

---

Lentsoe le tololikoeng e le “molisa” le tsoa lentsoeng la se-Gerike paidagogos. Liphetoletso tse ling li le toloka e le “motataisi” (NRSV), “mosupisi” (NKJV), kapa “mohlokomeli” (ESV), empa ha ho lentsoe le le leng le ka akaretsang moelelo oa teng. Paidagogos e ne e le lekhoba sechabeng sa ma-Roma le neng le beoa boemong ba taolo holima bara ba mong’a lona ha ba le lilemo li tšeletseng ho isa ho tse supileng ho fihlela ba kena bohlanganeng. ho kenyeletsa hara mesebetsi ea litlhoko tsa nama, joalo ka ho ba khella metsi a ho tola, ho ba fa lijo le liaparo, le ho ba sireletsa kotsing efe kapa efe, paidagogos hape o ne a etsa bonnete ba hore bara ba mong’a hae ba kena sekolo le hore ba etsa mosebetsi oa bona oa hae. Hape, o ne lebeletsoe e seng feela ho ruta le ho ba le limelo tse ntle empa hape ho etsa bonnete ba hore bashanyana ka bo bona ba ithuta limelo tseo. Leha ba bang ba pedagogues ba lokela ba ne ba le mosa le ho ratoa ke beng ba bona, tlhaloso e hlaleletseng ea bona lingoloeng ke batataise ba thata. Ba ne ba netefatsa kutlo e seng feela ka litšoso tse bohale le likhalemelo empa ka ho ba shapa ka sephali le ka thupa.

Tlhaloso ea Paulose ea molao e le molisa e hlakisa haholo kutloisiso ea hae ea tšebetso ea molao. Molao o ile oa kenyeletsoa ho supa sebe le ho fana ka taeo. Semelo sena sa tšebetso se bolela hore molao o na le lehlakore le sa lokang, 'me ke ka hobane o re khalema le ho qosa re le baetsalibe. Empa, le lehlakore lena le leng Molimo o le sebelisa molemong oa rōna, hobane kotlo eo molao o e tlisang ke sona se re isang ho Krete. Ka hona, molao le evangeli ha li hlabane. Molimo o li entse hore li sebetse 'moho bakeng sa pholoho ea rōna. “Lengolong lena [Ba-Gal. 3:24], Moea o Halalelang ka moapostola o bua ka ho khetholoha ka molao oa boitšoaro. Molao o re senolela sebe, le ho etsa hore re utloe re hloka Krete le ho balehela ho eena bakeng sa tšoarelle le khotso ka ho bontša pako ho Molimo le tumelo ho Morena oa rōna Jesu Krete.”—Ellen G. White, *Selected Messages*, book 1, p. 234.

**U qetitse neng ho bapisa liketso tsa hao le mantsoe le mehopolo ea molao? Etsa joalo hona joale, u li bapisa e seng feela ka letere ea molao empa le ho semoea hape (Matt. 5:28, Ba-Roma 7:6). U atleha hantle ha kae? Karabo ea hao e u bolella eng ka ntlha ea Paulose epistoleng ee?**

## Molao le Molumeli(Ba-Gal. 3:25)

**Ba bangata ba tolokile puo ea Paulose ho Ba-Galata 3:25 e le ho lahla molao ho phethahetseng. Sena se etsa kelello hanyane, leha ho le joalo, ka leseli la puo e nepahetseng ea Paulose ka molao libakeng tse ling ka Bibeleng. O bolela eng hee?**

---

Ea pele, ha re sa le tlasa thohako ea molao (Ba-Roma 8:3). Re balumeli, re ho Kreste le ho natefelo a ke monyetla oa ho ba tlasa mohau (Ba-Roma 6:14, 15). Seo se re fa tokoloho ea ho sebeletsa Kreste ka pelo eohle, ntle le tšabo ea kotlo ka lebaka la liposo tse re ka tšohang re li entse. Sena ke seo tokoloho le bolokoloho ba 'nete bo leng sona evangeling, e leng se fapaneng hole le ho se hlole re boloka molao—e leng seo batho ba bang ba se bolelang ka “tokoloho” ho Kreste. Empa, ho se utloe molao, ke sebe—'me sebe ha se letho empa bolokohi (John 8:34).

**Bala Ba-Roma 8:1–3. Ho bolela eng ho se hlole o rohako a ke molao? Ke joang 'nete ee e hlollang e lokelang ho ama mokhoa oo re phelang ka oona?**

---

Ka lebaka la ho tšoarelo a ka Kreste, likamano tsa rōna le molao joale li fapane. Joale re bilelitsoe ho phela bophelo bo khahlisang ho eena (1 Ba-Thess. 4:1); Paulose o bua ka sena e le ho tsamaea ka moea (Ba-Gal. 5:18). Sena ha se bolele hore molao oa boitšoarō ha o sa sebetsa—eo e ne e se eona taba. E ka ba eng ha re se re bone ka ho hlaka hore molao ke oona o hlalosang seo sebe se leng sona?

Empa, ka ha molao ke ponahatso ea semelo sa Molimo, ka ho utloa molao re senola semelo sa Hae. Empa ho feta moo, re latela e seng letoto la melao empa mohlala oa Jesu, ea re etsatsang seo molao ka bo oona o ke keng oa se etsa: o ngola molao lipelong tsa rōna (Ba-Heb. 8:10) le ho etsa hore tlhokahalo ea ho loka ea molao e phethatsoe ka ho rōna (Ba-Roma 8:4). Ke hore, ka likamano tsa rōna le Jesu, re na le matla a ho utloa molao ho feta pele.

**Bala Ba-Roma 8:4. Paulose o reng mo? Ke joang u bonang tšepiso ee e bonahatsoa bophelong ba hao? Ka nako e tšoanang, ho sa natsoe liphetoho tse molemo tseo u bileng le tsona, hobaneng pholoho e lokela hore kamehla e ipapise le seo Kreste a re etselitseng sona e seng ho hong?**

## Ho Ithuta Haholoanyane:

“Ke botsoa malebana le molao o ho Ba-Galata. Ke ofe oo e leng molisa oa rōna ho re isa ho Kreste? Kea araba: Bobeli molao oa mekete le oa boitšoaro oa melao e leshome. “Kreste e ne e le motheo oa moruo oohle oa Bajude. Lefu la Abele le tlile ka lebaka la ho hana ha Kaine ho amohela morero oa Molimo sekolong sa kutlo ho pholoso a ke mali a Jesu Kreste a tšoantšoang ka monehelo oa mahlabelo a supang ho Kreste. Kaine o latotse tšollo ea mali e tšoantšitsoeng ka mali a Kreste a tlang ho tšolleloa lefatše. Mokete ona ohle o ne o lokisitsoe ke Molimo, ’me Kreste e bile motheo oa tšebeletso eohle. Ena ke qalo ea oona e le molisa ho tliša lisebelisoa tse batho ho Kreste motheo oa moru oohle oa Bajude. “Bohle ba neng ba etsa tšebeletso malebana le tabernakele ba ne ba rutoa kamehla malebana le bo kena lipakeng ba Kreste sebakeng sa batho. Tšebeletso ena e ne e reretsoe ho theha pelong e ’ngoe le e ’ngoe lerato bakeng sa lerato la Molimo, e leng molao oa ’muso oa hae.”—Ellen G. White, *Selected Messages*, book 1, p. 233. “Molao oa melao e leshome ha oa loleka ho shejoa joalo ka lehlakore la lithibelo, ho e na le lehlakore la mohau. Lithibelo tsa teng ka tisetso ea thabo le kutlo. Ha e amoheloa ho Kreste, e sebetsa ka ho rōna bohloeki ba semelo se tla re tlišetsa nyakallo ka linako tse sa feleng. Ho ba nang le kutlo ke lerako la tšireletso.”—Ellen G. White, *Selected Messages*, book 1, p. 235.

## Lipotso tsa Puisano:

- 1. Hangata re sebetsana le potso ea hore na ke joang re ka hlolang sebe maphelong a rōna. Ke litšepiso life tseo re nang le tsona ka Bibeleng ka tsholo sebeng? Ke joang ha molemo re ka ithusang ho etsa litšepiso tsee tsa sebele? Ka nako e tšoanang, hobaneng re lokela ho ba hlokolosi ho etsa bonnete ba hore re beha tšepo ea rōna ea pholoho e seng holima lithloho tseo re li fumanang empa tsholong ea Kreste bakeng sa rōna?**
- 2. Hangata re utloa Bakreste ba bolela hore molao o felisitsoe. E, Bakreste bona bana ba tla bua khahlanong le sebe, ho bolelang, hore ruri, ha bolelel hore molao o felisitsoe. Hantle joale, ba bolela eng ka polelo eo? (Mohlala: Boemong ba molao oo ho buuoang taba eo khahlanong le oona?)**

## Kakaretso:

Molao o fanoe ho supa baetsalebe hore ba hloka Kreste. E le mosireletsi, o fana ka taeo ka Molimo le tšireletso sebeng. Empa joalo ka motataisi, o supa boetsalibe ba rōna le ho tliša thohako. Kreste o re lokolla thohakong ea molao le ho ngola molao oa hae lipelong tsa rōna.

